

Lomiga mo le *Polokalame mo le Sauniga o le Faiva ma le Olaga Faa-Kerisiano*

AOKUSO 7-13

‘OA TAUTELE MAI I LE AFIGA A LE ATUA | ESEKIELU 28-31

“Tauia e leova se Atunuu Faapaupau”

(Esekielu 29:18) “Le atalii e o le tagata, na faamalosia e Nepukanesa le tupu o Papelonia lana ‘autau ina ia faia se galuega telē e faasagatau atu ai iā Turo. Na oo ina tula ai o latou ulu uma, ma na mafo‘efo‘e o latou tau‘au uma. A o le totogi, e leai se mea na maua e ia ma lana ‘autau i Turo mo le galuega na ia faia e faasagatau ai iā te ia.

it-2 1136 ¶4

Turo

Faamatiaga o le Aai. A o faagasolo le taimi umi na vagaia ai e Nepukanesa le aai o Turo, na “tula” ulu o ana fitafita ona o le oloia i puloutau, ma na “mafo‘efo‘e” o latou tauau mai i le amoina o mea e faaaogā i le vagaia o le aai. Talu ai e le‘i maua e Nepukanesa se “totogi” mai i le faaaogāina e leova e faaoo lana sala faafaamasinoga iā Turo, na folafola atu loa e leova o le a ia totogiina Nepukanesa i le tamaoaiga o Aikupito. (Esk 29:17-20) Ta‘ua e Josephus, o se tusitala o talafaasolopito lutaia, e 13 tausaga na vagaia ai e Papelonia Turo (*Against Apion*, I, 156 [21]) ma na matuā aafia ai Papelonia. E lē o faamauina i talafaasolopito ni faamatalaga au‘ili‘ili i le tele po o le taulau o taumafaiga a Nepukanesa. Ae e mautinoa na tele ola ma meatotino a Turo na ma‘imau ai.—Esk 26:7-12.

(Esekielu 29:19) “O lea, o le fetalaiga lenei a le Alii Pule Silisili Ese o leova, ‘Ou te tuuina atu Aikupito iā Nepukanesa le tupu o Papelonia, e na te avea lona tamaoaiga, ma ave le vete tele ma matuā faoa oloa e tele; e fai ma totogi o lana ‘autau.’

it-1 698 ¶5

Aikupito, Tagata Aikupito

E iai se tusitusiga Papelonia mai i le tausaga lona 37 o le nofoaiga a Nepukanesa (588 T.L.M.), o loo ta‘ua ai se osofa‘iga faasaga iā Aikupito. E lē mautinoa pe fesoota‘i atu i le ulua‘i osofa‘iga po o se isi osofa‘iga faavaega‘au i se taimi mulimuli ane. E tusa po o fea o nei osofa‘iga e faasino i ai lenā tusitusiga, ae na maua e Nepukanesa le tamaoaiga o Aikupito o se totogi mo lona faaoo-

ina o le faasalaga faafaamasinoga a leova iā Turo, o se fili o tagata o le Atua.—Esk 29:18-20; 30:10-12.

(Esekielu 29:20) “‘Ou te avatu le laueleele o Aikupito iā te ia e fai ma tau i o le galuega na ia faia e faasagatau atu ai iā Turo, auā na latou galulue mo a‘u,’ ua fetalai mai ai le Alii Pule Silisili Ese o leova.

g86 11/8 27 ¶4-5

Pe e Tatau Ona Totogi Lafoga Uma?

E tali lenā fesili, pe a mafaufau i le manatu o leova e faatatau i le totogiina o se aitalafu i se faigāmalo na faia se auaunaga mo ia. O le to‘asā amiotonu a leova, na ia faatonuina ai le faaumatia o le aai anamua o Turo. Ina ia faataunuu lenā mea, na faaaogā e le Atua le ‘autau malosia a Papelonia na ta‘ita‘ia e le emeperoa o Nepukanesa. E ui na manumalo Papelonia, ae tele mea na latou tigāina ai. Na manatu leova e tatau ona totogi le auaunaga na latou faia, e pei ona atagia mai i lana fetalaiga i le Esekielu 29: 18, 19: “Le atalii e o le tagata, na faamalosia e Nepukanesa le tupu o Papelonia lana ‘autau ina ia faia se galuega telē e faasagatau atu ai iā Turo. A o le totogi, e leai se mea na maua e ia ma lana ‘autau i Turo mo le galuega na ia faia e faasagatau ai iā te ia. O lea, o le fetalaiga lenei a le Alii Pule Silisili Ese o leova, ‘Ou te tuuina atu Aikupito iā Nepukanesa le tupu o Papelonia, e na te avea lona tamaoaiga, ma ave le vete tele ma matuā faoa oloa e tele; e fai ma totogi o lana ‘autau.’”

E iloa e tagata a‘oga o le Tusi Paia, o Nepukanesa o se tupu faapaupau, faamaualuga, ma faasausili. E lauiloa Papelonia ma ana ‘autau i le leaga o lo latou faiga o tagata e ave faapagota. E le‘i fiafia leova i na amioga, ae na ia iloa o se mea tatau le totogi o le auaunaga a Papelonia.

Sa‘ili‘iliga Loloto mo ‘Oa Faaleagaga

(Esekielu 28:12-19) “Le atalii e o le tagata, ia fatu se pese o le auēga e faatatau i le tupu o Turo, ma e ao ona e fai atu iā te ia, ‘O le fetalaiga lenei a le Alii Pule Silisili Ese o leova: “‘O oe o le faamaufaa- iloga o le lelei atoatoa, ua tumu fo‘i oe i le atamai ma ua atoatoa lou matagofie.¹³ Sa e iai i Etena i le faato‘aga a le Atua. Na ufitia oe i maa tāua o le salikea, o le topasi, o le ialoma; o le tasesa, o le maa soama ma le iasepi; o le safaira, o le nofeka ma le samaraki; o maa tāua ta‘itasi ia na ufitia ai oe na teuteuina i le auro. Na saunia ia mea i le aso na faia

ai oe. ¹⁴ O oe o le kerupi ua faauuina o lē o loo faa-
malumalu, ma ua ou tuuina ai oe. Sa e iai i le mauga
paia o le Atua. Sa e fesavalaiā i totonu o maa aasa.
¹⁵ Sa lē ponā ou ala mai i le aso na faia ai oe se'ia
oo ina iloa lau amiolētonu. ¹⁶ ““Ona o le tele o au
fefaataua'iga, ua faatumuina ai oe i le sauā, ma ua
e agasala ai. Ou te aveesea oe mai i le mauga o le
Atua o sē ua faaleagaina, ou te faaumatia fo'i oe
mai i totonu o maa aasa, le kerupi e o loo faamalu-
malu. ¹⁷ ““Ua faualuga lou loto ona o lou aulelei.
Ua e faaleagaina lou atamai ona o lou mamalu tele.
Ou te lafoina oe i le elelee. Ou te tuuina oe i luma
o tupu ina ia latou vaavaai atu iā te oe. ¹⁸ ““Ona o
le tele o au mea sesē, ma le lē tonu o au fefaatau-
a'iga, ua e faaleagaina ai au mea paia. O le a ou
aumaia se afi mai i totonu o oe. O le mea lenā e
faatama'ia ai oe. Ou te faia oe ma lefulefu i le ele-
ele i luma o i latou o loo vaavaai atu iā te oe. ¹⁹ O
i latou uma e iloaina oe mai i nuu, o le a sioa atu
iā te oe ma le ofo. O le a e puapuagatia i mala faa-
fuase'i, o le a e lē toe iai i aso uma lava.””

it-2 604 ¶4-5 **Lelei Atoatoa**

Lē na ulua'i agasala ma le tupu o Turo. Na mua-
mua iai le agasala ma le tulaga lē lelei atoatoa i le
lagi ona sosoo ai lea ma le lalolagi, e pei o fetalaiga
a Iesu i le loane 8:44 ma le Kenese mataupu e 3. E
ui o le auēga i le Esekielu 28:12-19 e faasino i “le
tupu o Turo,” ae e tutusa lelei fo'i ma le mea na faia
e le atalii agaga o le Atua na ulua'i agasala. O le
faamaualuga o le “tupu o Turo” na ia faia ai o ia ma
atua, ta'ua o ia o se “kerupi,” ma faapea sa iai o ia
i ‘Etena i le faato'aga a le Atua,’ e talitutusa ma faa-
matalaga a le Tusi Paia e uiga iā Satani le Tiapolo,
lea na faafefeteina i le faamaualuga, sa iai fo'i o ia
i Etena o se gata, ma ua ta'ua o le “atua o lenei
faiga o mea a le lalolagi.”—1Ti 3:6; Ke 3:1-5, 14, 15;
Fal 12:9; 2Ko 4:4.

E lē o iloa po o ai le tupu o Turo lea na nofo i le aai
na faapea mai e ‘atoatoa lona lalelei.’ O lenei tupu
sa ‘tumu i le atamai ma ua atoatoa [o se upu faa-
matala e fesoota'i atu i le upu Eperu *ka-lal'*] lona
matagofie,’ ma na “lē ponā [Epe., *ta-mim'*]” ona ala
mai lava i le aso na faia ai o ia se'ia oo ina amiolē-
tonu. (Esk 27:3; 28:12, 15) E foliga mai o le ulua'i
faataunuuga po o le faataunuuga tuusa'o o lenei
auēga, e faatatau i se vaega o ta'ita'i Turo nai lo
o se tupu e to'atasi. (Faatusatusa i le valoaga e
faasaga i le ‘tupu e lē mailoa o Papelonia’ i le Isa
14:4-20.) O lea, atonu e fesoota'i atu faamatalaga
o loo ta'ua i luga, i le amataga o le faauōga ma le
sootaga ma tupu o Turo i le vaitaimi o le nofoaiga
a le tupu o Tavita ma Solomona, lea na foa'i mai

ai e Turo mea e fausia ai le malumalu o leova i
le mauga o Moria. I le taimi muamua, e le'i iai ni
uiga lē lelei pe faia e tupu o Turo ni mea leaga i ta-
gata o leova i Isaraelu. (1Tu 5:1-18; 9:10, 11, 14; 2No
2:3-16) Peita'i, na vavaeese tupu na iai mulimuli ane
mai i lenei ala “lē ponā,” ma na ta'usalaina ai loa
Turo e perofeta a le Atua o loelu, Amosa, faapea
Esekielu. (Ioe 3:4-8; Amo 1:9, 10) E ese mai i le faa-
tusatusaga o le ala o tupu o Turo ma le Fili sili o le
Atua, ae ua faailoa mai fo'i i lenei valoaga e iai taimi
e tapulaa ai le faaaogāina o faaupuga “lelei atoa-
toa” ma le “lē ponā.”

(Esekielu 30:13, 14) “O le fetalaiga lenei a le Alii
Pule Silisili Ese o leova, ‘Ou te faatama'ia tupua
inosia ma faai'uina atua lē aogā mai i Nafi, ma e
lē toe iai se ta'ita'i mai i le atunuu o Aikupito; ou
te faatupuina fo'i le mata'u i Aikupito. ¹⁴ Ou te
faatafunaina Patoro ma tutu se afi i Soana ma
faaoo atu le faasalaga i No.

w03 7/1 32 ¶1-3

O le ā na Tupu i Aai Na?

O NAFI ma No o ta'ua na a le Tusi Paia i laumua ta'u-
ta'ua anamuā o Aikupito o Mafi ma Tese. Sa tu Nafi
(Mafi) pe tusa ma le 14 maila [**23 kilomita**] i le itu
i saute o Kairo, i le itu i sisifo o le vaitafe o le Naila.
Mulimuli ane, e le'i toe avea ai Mafi ma laumua o Ai-
kupito. I le amataga o le senituri e 15 T.L.M., na
avea ai No (Tese) ma laumua fou o Aikupito lea e
pe tusa ma le 300 maila [**500 kilomita**] i le itu i
saute o Mafi. E aofia ai i toēga mea o malumalu o
Tese, ia toēga o le malumalu o Karanaka, lea e ma-
natu iai o le fale aupito i telē na fausiaina i pou
tetele. Na faaaogā e tagata Tese la latou malumalu
o Karanaka e tapua'i ai i le atua o Amoni, o le atua
sili o tagata Aikupito.

O le ā na valoia e le Tusi Paia e faatatau iā Mafi
ma Tese? Na faalauiloaina atu faasalaga faafaama-
sinoga faasaga iā Farao i Aikupito faapea ma ona
atua, aemaise lo latou atua sili o “Amoni i No.” (Ie-
remia 46:25, 26) O le a “faaumatia” tagata e tapua'i
ai i inā. (Esekielu 30:14, 15) O le mea tonu lava lenā
na tupu. E pau le mea o totoe i le tapua'iga a Amoni,
o toēga mea o le malumalu. O loo tu le aai o Luso
i aso nei, i se vaega o le laueleele na iai muamua le
aai anamua o Tese, ma o loo fausia ai fo'i isi nuu
laiti i laueleele o loo iai toēga mea o lenā aai.

Peita'i ane, ua na o fanuaoti o loo totoe i toega mea
o loo i laueleele na iai Mafi. Na faapea mai se ta-
gata atamai o le Tusi Paia e igoa iā Louis Golding:
“E faitau selau tausaga na la'u ma faaaogā ai e ta-
gata Arapi na faoa Aikupito, ia maa ma toēga mea
tetele mai le aai o Mafi, e fausia ai lo latou laumua

[Kairo] i le isi itu o le vai. Talu ai na matuā la'uina ma faaaogāina e tagata o le Naila ma Arapi ia toēga mea, e augapiu ma se maa mai lenā aai o toe maua i le eleele uliuli, e oo lava i le tele o maila mai laueleele na iai lenā aai anamua.” Ua moni ai la le valoaga o le Tusi Paia, na avea Mafi ma mea “gao-gao” ma “e leai sē nofo ai.”—Ieremia 46:19.

Faitau Tusi Paia

(Esekielu 29:1-12) Ua oo mai fo'i le afioga a leova iā te a'u i le tausaga lona sefulu, i le masina lona sefulu, i le aso e sefulu lua o le masina e faapea: ² “Le atalii e o le tagata, ia faasaga atu ou mata iā Farao le tupu o Aikupito, ma faia valoaga e faasagatau atu iā te ia ma e faasagatau atu fo'i i Aikupito uma. ³ Ia e fai atu ma faapea atu, ‘O le fetalaiga lenei a le Alii Pule Silisili Ese o leova: “Farao e le tupu o Aikupito, ou te faasagatau atu iā te oe, o le meaola lapo'a o le sami o loo taatia ma faaloaloa i totonu o ona alāvai o le Naila, o lē na faapea mai, ‘O a'u e ana le Vaitafe o le Naila, o a'u fo'i, na ou faia mo a'u lava.’ ⁴ O le a ou tuuina mātau i ou auvae ma faapogaia i'a o lou alāvai o le Naila e pipii i ou una. O le a ou ave a'e oe mai i totonu o ou alāvai o le Naila atoa ma i'a uma o ou alāvai o le Naila ia e pipii i ou una. ⁵ Ou te lafoa'ia oe i le toafa, o oe atoa ma i'a o ou alāvai o le Naila. O le a e pa'ū i le laueleele. O le a lē aoaoina vaega o lou tino pe e faaputupuina. O le a ou avatu oe e fai ma mea'ai a manufe'ai o le lalolagi ma manufeleele o le lagi. ⁶ O le a iloa ai e ē o nonofo i Aikupito, o a'u lava o leova, talu ai na pei o se ū la latou lagolagosua i le aiga o Isaraelu. ⁷ Ina ua latou uu oe i o latou lima, ona tu'imomomo ai lea o oe ma masae ai o latou tau'au ona o oe. Ina ua latou totoo iā te oe, ona e gau ai lea ma gatete ai o latou puimanava ona o oe.” ⁸ “‘O lea, o le fetalaiga lenei a le Alii Pule Silisili Ese o leova: “Ou te faaoo iā te oe le pelu ma ou faaumatia mai iā te oe tagata atoa ma manu lalata. ⁹ E faatafunaina ma faagaogaoina le laueleele o Aikupito; ma o le a latou iloa ai o a'u lava o leova, talu ai ua ia faapea ane, ‘O a'u e ana le Vaitafe o le Naila, o a'u fo'i, na ou faia lava.’ ¹⁰ O lea, ou te faasagatau atu iā te oe ma ou te faasagatau atu fo'i i ou alāvai o le Naila, o le a ou faagaogaoina le laueleele o Aikupito, ia naumati, ia faatafunaina, e amata mai i Mekatala e oo i Seveni ma e oo atu lava i le tuaoi o Aitiope. ¹¹ E lē ui atu ai vae o tagata, e lē ui atu ai fo'i vae o manu la-

lata ma e lē 'aināina mo tausaga e fā sefulu. ¹² O le a ou faatafunaina le atunuu o Aikupito i totonu o atunuu ua faatafunaina; o le a faatafunaina ona aai i totonu o aai ua faagaogaoina mo tausaga e fā sefulu; ou te faataapeapeina fo'i tagata Aikupito i nuu ma faasalalauina atu i latou i atunuu.”

AOKUSO 14-20

‘OA TAUTELE MAI I LE AFIGA A LE ATUA | ESEKIELU 32-34

“Le Tiute Tauave Tāua a le Tagata Vāai”

(Esekielu 33:7) “O oe fo'i le atalii e o le tagata, ua ou faia oe ma tagata vāai i aiga o Isaraelu, ma e ao ona e faalogo mai i upu a lo'u gutu, e ao fo'i ona e avatu le lapata'iga iā i latou mai iā te a'u.

it-2 1172 ¶2

Tagata Vāai

Faaaogāina Faafaatusa. Na tofia e leova ana perofeta e auauna o ni tagata vāai faafaatusa i le nuu o Isaraelu (le 6:17), ma e iai fo'i taimi na talanoa ai nei perofeta e uiga i ni tagata vāai faafaatusa. (Isa 21:6, 8; 52:8; 62:6; Ho 9:8) Na iai i nei perofeta sa avea ma tagata vāai, le tiute tauave e lapata'ia ai tagata amioleaga i le faaumatiaga na faalolo'i ane. Pe afai e lē taulau nei perofeta e faaoo atu le lapata'iga, o le a aafia ai o latou ola. Ae pe afai e lē tali lelei mai tagata ma lē amana'ia lapata'iga, o le a pa'ū lo latou toto i luga o i latou lava. (Esk 3:17-21; 33:1-9) O se perofeta e lē faamaoni, e tutusa lona lē aogā ma se tagata vāai e tauaso po o se ta'ifau fo'i e gūgū.—Isa 56:10.

(Esekielu 33:8, 9) Pe a ou fai atu i lē e amioleaga, ‘Le tagata amioleaga e, o le a e oti lava!’ ae e te lē tautala atu ma lapata'ia lē e amioleaga ia liliuese mai i ona ala, e oti lava le tagata amioleaga ona o ana lava mea sesē, a o lona toto ou te tau ai lea iā te oe i lou lava lima. ⁹ A o oe, afai e te lapata'ia se tasi e amioleaga ia liliuese mai i ona ala ae e lē liliuese o ia mai i ona ala, e oti o ia i lana lava mea sesē, ae o le a faasaoina lou lava ola.

w88 8/1 28 ¶13

Ia Tala'i Pea le Malo

Alofia o le Totolima

¹³ O le tiute tauave o Molimau tuuina atu a leova i le lapataia o tagata e uiga i le faamasinoga a le Atua o loo sau, e mafai ona faatusatusa i lena sa iai i taimi o Esekielu. Sa tofia o ia o se tagata vaai

i le aiga o Isaraelu. O lona tofiga, sa o le lapataia lea o tagata Isaraelu e uiga i le oo mai o le faaumatiaiga i o latou ala leaga. Ana fai e lē taulau ona ia faaleo atu le lapataiga na avea ai o ia o le tagata vaai, semanū e oo mai lava le faaumatiaiga i luga o tagata leaga, a e o ō latou toto o le a i luga o le ulu o le tagata vaai faatamala. Na faaalua e leova i lenei mea lona uiga i le faaooina atu o le i'uga faafaamasinoga: "Ou te le fiafia lava i le oti o lē amio leaga, a ia liliu mai lē amio leaga ai lona ala, ma ola ai; liliu ia outou, ina outou liliu ese ia i o outou ala leaga; auā pe se a ea le mea tou te fia oti ai le aiga o Isaraelu e?"—Esekielu 33:1-11.

(Esekielu 33:11) Ia e fai atu iā i latou, "O loo ola a'u," ua fetalai mai ai le Alii Pule Silisili Ese o leova, "ou te fiafia, e lē i le oti o le tagata amioleaga, ae pe a liliuese le tagata amioleaga mai i lona ala, ma ola ai pea o ia. Le aiga o Isaraelu e, inā liliuese ia, ia liliuese mai i o outou ala leaga auā aiseā o le a oti ai outou?"

(Esekielu 33:14-16) "Pe a ou fai atu i lē ua amioleaga: "E te oti lava," ae ua liliuese mai i lana agasala ma tausisi i le faia o mea tonu ma le amiotonu,¹⁵ ma toe faafo'i e lē ua amioleaga le mea na faamau ai se aitalafu, ua ia toe totogi atu mea na ia gaoia, ma ua savali e tusa ma tulafono e ola ai i le lē faia o mea e lē tonu, e ola pea o ia. E lē oti lava o ia.¹⁶ E lē toe teulotoina so o se agasala na ia agasala ai. Ua ia tausisi i le faia o le mea tonu ma le amiotonu. E ola pea lava o ia.'

w12 3/15 15 ¶3

Ia Tumau Pea Lou Uiga Faanatinati

AISEĀ E FAANATINATI AI LA TATOU TALA'IGA?

³ Pe a e manatu i la tatou tala'iga o se galuega faasao ola, atonu o le a iai iā te oe se lagona o le faanatinati e ta'u atu i isi le tala lelei. (Roma 10: 13, 14) Ua ta'ua i le Afioga a le Atua: "Pe a ou fai atu i lē ua amioleaga: 'E te oti lava,' ae ua liliuese mai i lana agasala ma tausisi i le faia o mea tonu ma le amiotonu, . . . e ola pea o ia. E lē oti lava o ia. E lē toe teulotoina so o se agasala na ia agasala ai." (Eseki. 33:14-16) O le mea moni, ua ta'u atu e le Tusi Paia i ē o loo a'oa'o atu le fe'au o le Malo e faapea: "E faaolaina ai oe lava atoa ma i latou o faalogo iā te oe."—1 Timo. 4:16; Eseki. 3:17-21.

Sa'ili'iliga Loloto mo 'Oa Faaleagaga

(Esekielu 33:32, 33) Faauta fo'i! ua pei oe o sē e usuina pese aualofa iā i latou, e pei o sē e manaia lona leo ma tāina lelei se meafaifaaili e iai

uaua. O le a latou faalogo i au upu ae e leai se tasi e faia ia mea.³³ Faauta! pe a taunuu lea mea, e taunuu lava, ma o le a latou iloa ai na iai le perofeta i lo latou lotolotoi."

w91 7/15 19 ¶16-17

Savavali Faatasi ma le Kariota Faalelagi a leova

Aua Ne'i Taofia e le Faaleogalua

¹⁶ Ua faataatia foi e Esekielu se faaa'oa'oga lelei e ala i le ususitai ma le lē faatagaina o ia lava e taofia e le faaleogalua po o tauemuga. E faapena foi, e ala i le ō faatasi ma tualumaga o le gagana mamā, tatou te tausisi atu ai i le ta'ita'iga o loo tauaoina e le Tietie Kariota tautupu. O lea ua faaaupegaina ai i tatou e tali atu i ana poloaiga, ma faamalosi ai ia aua ne'i taofia e le faaleogalua po o tauemuga a i latou o ē tatou te faaoo atu i ai le feau faafaamasinoga a leova. E pei o le tulaga o Esekielu, ua muai lapataia i tatou e le Atua faapea o le a soona tetee mai nisi tagata, e faaulu malō ma lotoma'aa. O le a faataliga tutuli isi ona latou te lē mananao e faalogo ia leova. (Esekielu 3:7-9) O isi foi o le a faagutugutulia pea, e pei ona ta'ua i le Esekielu 33:31, 32: "Latou te o mai foi ia te oe pei ona o mai o lo'u nuu, latou te nonofo foi i ou luma e pei o lo'u nuu, latou te faalogologo foi i au upu, a e latou te le mafafai ona anaana i ai; auā ua latou alolofa fua i o latou gutu, a ua mafuli o latou loto i lo latou manumanu. Faauta foi, ua tusa oe ia te i latou ma se pese mālīe a le ua leo mālīe, ma lē ta mālīe i le laaupese; auā latou te faalogologo i au upu, a e latou te le anaana i ai."

¹⁷ O le ā o le a i'u i ai? Ua faaopoopo mai le fuai-upu e 33: "A taunuu lea mea, faauta e taunuu lava, ona latou iloa ai lea sa i ai le perofeta ia te i latou." Ua faaalua i na upu sa le'i faavaivai Esekielu ona o le lē talilelei mai. E le'i avea le faapalapala o isi ma mea e faatalalē ai o ia. Pe na faalogo tagata pe leai, ae sa ia ususitai pea i le Atua ma faataunuu lona tofiga.

(Esekielu 34:23) Ou te faatūina iā i latou se leoleo mamoe e to'atasi, e na te fafagaina i latou, o la'u auauna lea o Tavita. O le a ia fafagaina i latou, ma o le a fai o ia ma o latou leoleo mamoe.

w07 4/1 26 ¶3

**Ia Gaua'i ma le Loto Maulalo i Leoleo Mamoe Alo-
lofa**

³ O loo faatāua mai i le valoaga a le Isaia 40:10, 11 le uiga alofa o loo leoleoina ai e leova ona tagata. (Salamo 23:1-6) O lagona fo'i na sa faaalua e lesu mo ona soo ma le lautele o tagata, a o faatino lana faiva i le lalolagi. (Mataio 11:28-30; Mareko 6:34)

Sa 'ino'ino ma teena e leova ma Iesu, uiga lē alo-
lofa o leoleo mamoe, po o ta'ita'i sa iai i Isaraelu, o
ē na leai se māsiāsi e tuulafoa'i ma faileagaina a
latou lafu mamoe. (Esekielu 34:2-10; Mataio 23:3,
4, 15) Na folafola mai e leova: "Ou te faaolaina . . .
la'u lafu, e lē toe fai lava i latou ma mea e saeia;
ou te faamasino fo'i i lea manu ma lea manu. Ou te
faatūina fo'i le leoleo mamoe e tasi iā te i latou, na
te fāgaina i latou, o la'u auuana o Tavita; o ia na te
fāgaina i latou, e fai fo'i o ia ma leoleo mamoe iā
te i latou." (Esekielu 34:22, 23) I lenei taimi o le
i'uga, o Iesu Keriso, le Tavita Sili, o ia lea o le "leo-
leo mamoe e to'atasi" ua tofia e leova e leoleoina
Ana auuana uma o i lalolagi, o Kerisiano faauuina
ma "isi mamoe."—Ioane 10:16.

Faitau Tusi Paia

(Esekielu 32:1-16) Ua oo mai fo'i le afioga a
leova iā te a'u i le tausaga lona sefulu lua, i le
masina lona sefulu lua i le aso muamua o le ma-
sina e faapea: ² "Le atalii e o le tagata, ia e fatu
se pese o auēga e faatatau iā Farao le tupu o Ai-
kupito, ma ia e fai atu iā te ia, 'Ua faatama'ia oe
o lē ua pei o se leona taanoa i nuu. "'Ua pei fo'i
oe o le meaola telē i le sami, ua e tafe malosi i
ou vaitafe, ua e faapalapalā vai i ou vae, ma ua
faaleagaina ai o latou vaitafe.' ³ "O le fetalaiga
lenei a le Alii Pule Silisili Ese o leova, 'Ou te
folasia la'u upega i ou luga e ala i se faapoto-
potoga o tagata e to'atele, ma e latou te aveina
a'e oe i la'u upega. ⁴ Ou te tuua oe i le laueleele.
Ou te lafoina oe i luga o le fanua taalaelae. O le
a faanonofu manufelelei uma o le lagi iā te oe,
ou te fafaga ia maona manufe'ai o le lalolagi iā
te oe. ⁵ Ou te tuuina lou tino i luga o mauga ma
faatumu vanu i vaega o lou tino oti. ⁶ Ou te faa-
inu le eleele i lou toto ua alu ese mai iā te oe, i
luga o mauga; o le a tutumu fo'i vaitafe i lou
toto.' ⁷ "'O le a ou ufitia le lagi ma faapouliuligia
fetu pe a ou faafanoina oe. Ou te ufitia le lā i ao,
o le a lē susulu fo'i le masina. ⁸ O le a ou faapo-
uliuligia malamalama pupula uma o le lagi ona
o oe, o le a ou tuuina fo'i le pogisa i lou lauelee-
le,' ua fetalai mai ai le Alii Pule Silisili Ese o
leova. ⁹ "'O le a ou faaita loto o le to'atele o ta-
gata pe a ou aveina faapagota nisi o ou tagata
i isi atunuu, o atunuu e te le'i iloa. ¹⁰ Ou te faa-
pogaia le ofo tele o le to'atele o tagata iā te oe,
e matuā fefefe lava o latou tupu iā te oe pe a
faalālā la'u pelu i o latou luma, e latou te gatete
i taimi uma, e ta'itasi i latou ma faia faapea ona
o lona lava ola, i le aso o lou pa'ū.' ¹¹ "O le feta-

laiga lenei a le Alii Pule Silisili Ese o leova, 'O le
a oo mai iā te oe le pelu a le tupu o Papelonā.
¹² Ou te fasiotia ou tagata e to'atele i le pelu a
tagata malosi, o pule sauā o nuu, o i latou
uma; o le a faatama'ia le mitamitaga o Aikupito,
ma o le a faaumatia fo'i ona tagata uma e to'a-
tele. ¹³ O le a ou faatama'ia manu lalata uma mai
i autafa o vai, o le a lē toe faapalapalā vai i vae
o tagata, pe e faapalapalā fo'i i vae o manu la-
lata.' ¹⁴ "'I lenā taimi, o le a ou faamanino o latou
vai ma o le a ou faatafe lemū vaitafe e pei o le
suāuu,' ua fetalai mai ai le Alii Pule Silisili Ese o
leova. ¹⁵ "'Pe a ou faatafunaina le atunuu o Ai-
kupito, ma ua auua le atunuu ma mea sa tumu
ai, pe a ou faaumatia fo'i o ē uma ua nonofo ai,
ona latou iloa ai lea o a'u lava o leova. ¹⁶ "'O le
pese lenā o le auēga o le a usuina e tagata. E
usu fo'i e tama teine o nuu; e latou te usuina lenā
pese e faatatau iā Aikupito ma ona tagata uma
e to'atele,' ua fetalai mai ai le Alii Pule Silisili Ese
o leova."

AOKUSO 21-27

**'OA TAUTELE MAI I LE AFIOGA A LE ATUA
| ESEKIELU 35-38**

"Ua Toe o se Aga Faaumatia Koku o Makoku"

(Esekielu 38:2) "Le atalii e o le tagata, ia faa-
saga atu ou mata iā Koku mai i Makoku, o le
ta'ita'i sili o Meseko ma Tupalu, ma fai valoaga e
faasagatau atu iā te ia.

w15 5/15 29-30

Fesili Mai i le 'Aufaitau

O ai la Koku o Makoku? Ina ia tali lenā fesili, e ma-
na'omia ona tatou iloiloina ni mau, e faamanino mai
ai po o ai e osofa'ia tagata o le Atua. O loo tala-
noa le Tusi Paia e lē gata o le osofa'ia e Koku o
Makoku o tagata o le Atua, ae faapea fo'i le oso-
fa'iga a le "tupu o le itu i mātū" ma "tupu o le
lalolagi." (Eseki. 38:2, 10-13; Tani. 11:40, 44, 45;
Faaa. 17:14; 19:19) Pe e eseese nei osofa'iga? E
foliga mai e leai. E mautinoa o loo faasino atu le
Tusi Paia i se osofa'iga se tasi ae eseese ona ta'u.
Aiseā ua tatou faia ai lea faai'uga? Talu ai ua faa-
matala mai e le Tusi Paia iā i tatou o le a afaatasi
atunuu uma o le lalolagi i le osofa'iga mulimuli,
lea o le a ta'ita'ia atu ai i le taua iā Amaketo.
—Faaa. 16: 14, 16.

Pe a tatou faatusatusa faamatalaga o loo i mau e
faatatau i le osofa'iga mulimuli i tagata o le Atua, e
manino mai o le ta'u o Koku o Makoku e lē o faasino

atu iā Satani, ae o le tuufaatasiga o atunuu uma. Po o le a ta'ita'ia e le "tupu o le itu i mātū" faafaatusa, le tuufaatasiga o atunuu? E tatou te lē o mautinoa. Peita'i, e foliga mai e talafeagai lenā manatu pe a fua i fetalai a leova e faatatau iā Koku: "O le a e sau mai i lou nofoaga, mai i vaega mamao o le itu i mātū, o oe ma le to'atele o tagata faatasi ma oe, o loo ti'eti'e i latou uma i solofanua, o se faapotopotoga e to'atele, o se 'autau e to'atele lava." —Eseki. 38:6, 15.

(Esekielu 38:14-16) "O lea, le atalii e o le tagata, ia e faia valoaga ma ia e faapea atu iā Koku, 'O le fetalai lenei a le Alii Pule Silisili Ese o leova: "O lea aso, pe a nonofo ma le saogalemu lo'u nuu o Isaraelu, pe e te lē mātāuina ea lea mea?"¹⁵ O le a e sau mai i lou nofoaga, mai i vaega mamao o le itu i mātū, o oe ma le to'atele o tagata faatasi ma oe, o loo ti'eti'e i latou uma i solofanua, o se faapotopotoga e to'atele, o se 'autau e to'atele lava.¹⁶ O le mea moni, e te alu atu e faasagatau i lo'u nuu o Isaraelu e pei o ao e ufitia ai le laueleele. O le a tupu i le faai'uga o aso, lo'u aumaia o oe e faasagatau atu i lo'u laueleele, ina ia iloa ai a'u e nuu pe a ou faapaiaina a'u lava e ala iā te oe Koku e, i o latou luma."

w12 9/15 5-6 ¶18-9

Le l'uga o le Lalolagi

⁸ E faaauau ona "nonofo ma le saogalemu" auauna a leova "e aunoa ma ni pā puipui," pe a mavae le faaumatia o lotu sesē. (Eseki. 38:11, 14) Talu ai e foliga mai e leai se puipuiga mo auauna a leova, o le a pei ai e faigofie ona osofa'ia i latou e 'tagata e to'atele.' O le a osofa'ia i latou e "Koku mai i Makoku." (**Faitau le Esekielu 38:2, 15, 16.**) O ā ni o tatou faalogona e tusa ai ma lenā osofa'iga?

⁹ Ua faatalitalia e auauna a leova e osofa'ia i latou, ae e lē o se tulaga e matuā faapopoleina ai. E sili atu ona tāua iā i latou le faapaiaina o le suafa o leova, ma le faaeaina o lana pule silisili ese, nai lo o latou ola. E silia ma le 60 taimi na fetalai ai leova i malo e faapea: "Ona outou iloa ai lea o a'u lava o leova." (Eseki. 6:7; fpl.) E tatou te tulimata'ia le taimi o le a faataunuina ai lenā osofa'iga, ae e mautinoa, "e silafia e leova le auala e lavea'i ai tagata e faamaoni iā te ia mai i o latou puapuaga." (2 Pete. 2:9) Ina ia faamaoni iā leova, e tatau ona faamalosia lo tatou faatuatua, e ala i le tatalo, faitau le Tusi Paia ma manatunatu loloto i ai, faapea le tala'ia o le Malo o le Atua. O le faia faapea, o le a faamalosia ai lo tatou faamoemoe o le ola e faavavau e pei "o se taula."—Epe. 6:19; Sala. 25:21.

(Esekielu 38:21-23) "'Ou te valaau atu i le pelu i o'u vaega maugā uma e faasagatau atu iā te ia,' ua fetalai mai ai le Alii Pule Silisili Ese o leova. 'E ta'ito'atasi ma faasagatau lana pelu i lona lava uso.²² Ou te faaoo la'u faamasinoga iā te ia e ala i faama'i ma le toto; ou te faatotō ifo fo'i timuga tetele ma uato'a, o le afi ma le teiō i luga iā te ia ma ana 'autau ma tagata e to'atele e faatasi ma ia.²³ O le a ou faasilisilia a'u ma faapaiaina a'u, e iloa ai fo'i a'u i luma o le tele o atunuu; ma o le a latou iloa ai o a'u lava o leova.'

w14 11/15 27 ¶16

"Ua Avea Nei Outou ma Nuū o le Atua"

¹⁶ Pe a mavae le faaumatia o Papelonia le Aai Tele, o le a osofa'ia tagata o leova. O le a mana'omia i lenā taimi ona tatou maua le puipuiga o le a saunia mai e leova mo ana auauna. O lenei osofa'iga o le a amata ai le vaega faai'u o le "puapuaga tele." O lea, o leova lava ia o le a faatonutonuina mea e tutupu ma le taimi e faia ai lenei taua. (Mata. 24:21; Eseki. 38:2-4) O le taimi lenā o le a osofa'ia ai e Koku "tagata ua toe aaoina mai i nuu." (Eseki. 38:10-12) O lenā osofa'iga o le a fai ma faailoga o le faaoina mai o le sala faafaamasinoga a le Atua iā Koku ma ana 'au. O le a faasilisilia e leova lana pule silisili ese ma faapaia lona suafa, auā na fetalai o ia: 'O le a ou faailoa a'u i luma o le tele o atunuu; ma o le a latou iloa ai o a'u lava o leova.' —Eseki. 38:18-23.

Sa'ililiga Loloto mo 'Oa Faaleagaga

(Esekielu 36:20, 21) Ua latou oo atu i nuu, o nuu ua latou ō atu i ai ma ua ta'uvaleaina ai lo'u igoa paia e tagata i le faapea atu e uiga iā i latou, 'O le nuu lea o leova, ma ua ō ese i latou mai i lona laueleele.'²¹ O le a ou alofa ona o lo'u igoa paia, lea ua ta'uvalea e le aiga o Isaraelu i nuu ua latou ō atu i ai."

w02 6/15 20 ¶12

Ia A'oa'oina Oe ma A'oa'o Atu Amioga Tatau Faa-Kerisiano

¹² Sa faamatilatila e le aposetolo o Paulo se māfuaaga autū mo le a'oa'oina ma faatatauina o amioga tatau o loo e mauaina i le Tusi Paia. Sa iai aafiaga o amioga leaga a tagata lutaia iā leova: "O oe lē mitamita i le tulafono, e te faalemigao ea i le Atua i lou soli i le tulafono? auā ua upuleagaina le suafa o le Atua talu outou i nuu ese." (Roma 2:23, 24) E tutusa lelei lava le moni i lenei mea i aso nei, afai tatou te lē amana'ia amioga tatau faa-Kerisiano, ua tatou lē faamamaluina fo'i Lē na faatulagaina. I le isi itu, afai tatou te taofi mau i tapulaa a le Atua, o

le a iai ni aafiaga lelei iā te ia, e faamamaluina ai o ia. (Isaia 52:5; Esekielu 36:20) O lou iloa o lenei mea e mafai ona faamallosia ai lou maumaua’i pe a e feagai ma tofotofoga po o ni tulaga e foliga mai o le lē amana’iaina o amioga tatau faa-Kerisiano, o le auala faigofie lea ma talafeagai e gaoioi ai. E lē gata i lenā, ua a’oa’o mai fo’i i upu a Paulo iā i tatou i se isi mea. E ese mai i le iloa tā’ito’atasi e faapea e aafia le Atua i a tatou amio, a o e a’oa’oina isi, ia fesoasoani iā i latou ina ia iloa o le auala latou te faatatauina ai amioga tatau ua latou a’oa’oina, e aafia ai leova. E lē faapea e na o le mauaina o le lotomalie ma le puipuia o le soifua mālōlōina e maua mai i amioga tatau faa-Kerisiano. E atagia atu ai fo’i Lē na saunia ma faalaeiaua na amioga tatau.—Salamo 74:10; Iakopo 3:17.

(Esekielu 36:33-36) “O le fetalaiga lenei a le Alii Pule Silisili Ese o leova, ‘I le aso ou te faamamāina ai outou mai i a outou mea sesē, o le a ou ‘aināina ai fo’i aai ma toe fausia mea ua faagaogaoina. ³⁴ O le a galuea’iina le eleele na faatafunaina, auā na avea ma mea na matuā faatafunaina iā i latou uma na ui ane ai. ³⁵ Ona faapea ane lea o tagata: “O le laueleele le la na faatafunaina ua pei nei o le faato’aga o Etena, ma ua malupuipuia aai na faagaogaoina, na faatafunaina ma lepetia i lalo; a ua ‘aināina.” ³⁶ Ona iloa ai lea e nuu ua totoe o loo si’omia ai outou, o a’u lava o leova, ua ou toe fausia mea na lepetia i lalo, ma ua ou totōina le fanua na faatafunaina. O a’u o leova ua ou fai atu ai ma ua ou faia lava.’

w89 5/1 24 ¶11

“E Iloa ai Lava e i Latou o A’u Lava o leova”

¹¹ Ina ua toe foi atu le vaega totoe i luta, na toe faaliliuina ai lena laueleele sa faatafunaina i se “faatoaga o Etena” fua taufuifui. **(Faitau le Esekielu 36:33-36.)** Talu mai le 1919, na faapena foi ona faaliliuina e leova le nuu po o le laueleele o le vaega totoe faauuina, sa faatafunaina, i se parataiso fua taufuifui faaleagaga, lea ua tofusua ai nei ma le “motu o tagata e toatele.” Ona ua faauluolaina lenei parataiso faaleagaga i tagata paia, se’i taitoatasi ma galulue Kerisiano tuuina atu e tausia lona mamā. —Esekielu 36:37, 38.

Faitau Tusi Paia

(Esekielu 35:1-15) Ua oo mai fo’i le afioga a leova iā te a’u e faapea: ² “Le atalii e o le tagata, ia faasaga ou mata i vaega maugā o Seira ma fai valoga e faasagatau atu i ai. ³ Ia e fai atu i ai, ‘O le fetalaiga lenei a le Alii Pule Silisili Ese o leova:

“Vaega maugā e o Seira, o lenei ua ou faasagatau atu iā te oe, ou te faaloaloa atu lo’u lima e faasagatau atu iā te oe ma matuā faatafunaina oe, e faatafunaina lava. ⁴ Ou te faagaogaoina ou aai, ma o le a matuā faatafunaina oe; ona e iloa ai lea o a’u lava o leova, ⁵ talu ai ua umi ona e ‘ino’ino mai ma e tuuina atu pea tagata o Isaraelu i le malosi o le pelu, i taimi o o latou puapuaga, i le taimi na faa’i’u ai a latou mea sesē.” ⁶ “‘O lea, o loo ola a’u,’ o le fetalaiga lenei a le Alii Pule Silisili Ese o leova, ‘ua ou saunia oe mo le toto, e tuliloaina oe e le toto. E mautinoa o le toto lava lea ua e ‘ino’ino i ai, o lea, e tuliloa ai oe e le toto. ⁷ O le a ou matuā faatafunaina vaega maugā o Seira, e faatafunaina lava, ma ou te faaumatia lē e alu atu i ai atoa ma lē e toe fo’i mai. ⁸ O le a ou faatumuina ona mauga i ona tagata ua fasiotia; o le a pa’u’u o ē e fasiotia i le pelu i ou a’ega, i ou vanu ma ou ālia uma. ⁹ Ou te faia oe ma mea e faatafunaina e faavavau, e lē toe ‘ainā ou aai; ona outou iloa ai lea o a’u lava o leova.’ ¹⁰ “Talu ai ua e faapea ane, ‘O le a fai mo a’u nei nuu e lua ma nei laueleele e lua, ma e fai fo’i mo i tatou ia laueleele e lua,’ a ua iai leova i inā, ¹¹ ‘o lea, o loo ola a’u,’ ua fetalai mai ai le Alii Pule Silisili Ese o leova, ‘ou te gaoioi e tusa ma lou ita, e tusa ai fo’i ma lou lotoleaga ua e faalia ona o lou ‘ino’ino iā i latou; ma ou te faailoa atu a’u iā i latou pe a ou faamasinoina oe. ¹² O le a e iloa ai o a’u lava o leova, ua ou faalogo i au tala lē faaloaloa uma na fai e faatatau i mauga o Isaraelu e faapea: “Ua faatafunaina ia. Ua tuuina mai iā i matou e fai ma mea’ai.” ¹³ Ua outou mimitavale pea ma le faasausili e faasagatau mai iā te a’u i o outou gutu, ma ua faateleina fo’i a outou tala e faasagatau mai iā te a’u. Ua ou faalogo ai lava.’ ¹⁴ “O le fetalaiga lenei a le Alii Pule Silisili Ese o leova, ‘I le taimi e fiafia ai le lalolagi uma, ou te faia ai oe ma mea e matuā faatafunaina. ¹⁵ Talu ai na e fiafia ona o le faatafunaina o le tofi o le aiga o Isaraelu, ou te faia fo’i faapea iā te oe. Vaega maugā e o Seira, atoa ma Etoma uma, o le a avea oe ma mea e matuā faatafunaina; ona latou iloa ai lea o a’u lava o leova.’”

AOKUSO 28–SETEMA 3

‘OA TAUTELE MAI I LE AFIOGA A LE ATUA | ESEKIELU 39-41

“O Aogā iā te Oe o le Faaaliga o le Malumalu na Tuuina Atu iā Esekielu”

(Esekielu 40:2) E ala i faaaliga mai i le Atua, ua ia aumaia a’u i le laueleele o Isaraelu ma tuu mālīe a’u i se mauga maualuga ua iai se mea e pei o se fausaga o se aai i le itu i saute.

w99 3/1 11 ¶16

‘Ia E Tuu i Lou Loto’ le Malumalu o le Atua!

¹⁶ Mo se tali, se’i o tatou toe foi i le faaaliga lava ia. Na tusi mai Esekielu: “O faaaliga mai le Atua na ia aveina ai a’u i le nuu o Isaraelu, ma tuuina ai a’u i luga o le mauga maualuga lava, o i ai i le itu i toga se fale e peiseai se aai.” (Esekielu 40:2) O le faatula-gaga o lenei faaaliga, le “mauga maualuga lava,” ua faamanatu mai ai ia i tatou le Mika 4:1: “O aso e gata ai e oo ina faatumauiina ai le mauga o i ai le fale o leova i tumutumu o mauga, e faamaualuga-ina foi ia sili i mauga iti, ona gasolo ane lea o nuu i ai.” O afea e faataunuuina ai lenei valoaga? Ua faa-alia i le Mika 4:5 e faapea e faataunuu lenei mea a o tapuai pea atunuu i atua sese. O le mea moni, ua faataunuuina i o tatou lava taimi, i “aso e gata ai,” ua uma ona siitia le tapuaiga mamā, ua faafoisia i lona tulaga talafeagai i soifuaga o auauna a le Atua.

(Esekielu 40:3) Ona ia avatu lea o a’u i inā, faauta fo’i! ua iai se tagata. O ona foliga ua pei o foliga o le ‘apamemea, ua iai se maea ua faia i le laau o le lino i lona lima, ma se ū e fua ai, ma ua ia tū fo’i i le faitoto’a.

(Esekielu 40:5) Faauta fo’i! ua iai se pā ua si’omia ai itu uma o le fale. Ua iai fo’i i le lima o le tagata se ū e fua ai, e ono kupita, e tusa lea o le fua o le kupita ma le alofilima. Ona ia fuaina lea o le lautele o le mea na fausia; e tasi le ū; ma o le maualuga e tasi fo’i le ū.

w07 8/1 10 ¶2

Manatu Tāua Mai le Tusi o Esekielu—II

40:3–43:17—O le ā e mata’ina ai le fuaina o le malumalu? O le fuaina o le malumalu o se faailoga o le a faataunuuina lava le fuafuaga a leova mo le tapua’iga moni.

(Esekielu 40:10) O potu o leoleo o le faitoto’a, e faasasaga i sasa’e e tolu i lenei itu ma e tolu i le isi itu. E tutusa le fua o ia potu e tolu, ma e tutusa fo’i fua o poutū i autafa i lenei itu ma le isi itu.

(Esekielu 40:14) Ona ia fuafua lea o poutū i autafa e ono sefulu kupita, e oo fo’i i poutū i autafa o faitoto’a i itu uma o le lotoā.

(Esekielu 40:16) Ua iai faamalama e faasolo ina lauiti auivi pe a aga’i i tua i potu o leoleo, ma poutū i autafa o loo i totonu o le faitoto’a i itu uma, e faa-pena fo’i faapaologa. O loo i totonu faamalama i itu uma ma ua iai ata o pama i poutū i autafa.

w07 8/1 11 ¶4

Manatu Tāua Mai le Tusi o Esekielu—II

40:14, 16, 22, 26. O le iai o ni mamanu o pama i papuipui o faitoto’a o le malumalu, e faaaliga ai ua

na o i latou e amio sa’o e mafai ona ulufale. (Salamo 92:12) O se lesona mo i tatou, e faato’ā talia e leova la tatou tapua’iga pe a tatou faia le mea sa’o.

Sa’ili’iliga Loloto mo ‘Oa Faaleagaga

(Esekielu 39:7) O le a ou faailoaina lo’u igoa paia i le lotolotoi o lo’u nuu o Isaraelu, ma ou te lē toe tuua fo’i lo’u igoa paia ia faaleagaina; o le a iloa ai fo’i e atunuu o a’u lava o leova, o Lē e Paia i Isaraelu.’

w12 9/1 21 ¶2

“O le a Iloa ai Fo’i e Atunuu o A’u Lava o leova”

Ua fetalai mai leova: “Ou te lē toe tuua fo’i lo’u igoa paia ia faaleagaina.” Pe a tuua’ia e tagata leova i faiga lē tonu, e tusa ua latou upuleagaina lona suafa. E faapefea? I le Tusi Paia, e masani ona uiga atu le upu “igoa,” i se talaaga o se tagata. Ua ta’ua i se tasi o lomifefiloi, o le suafa o leova e faasino atu “i mea tatou te iloa e uiga iā te ia—o lona mamalu ma le viiga.” E aofia i le suafa o leova lona talaaga lelei. O le ā e tatou te iloa e uiga iā leova e tusa ai ma faiga lē tonu? E ‘ino’ino i ai o ia! E tigā alofa fo’i o ia iā i latou o loo mafatia ona o faiga lē tonu. (Esoto 22:22-24) Pe a tuua’ia e tagata leova i faiga lē tonu, e mautinoa ua latou faaleaga-ina ma lē faaloalo i lona suafa.—Salamo 74:10.

(Esekielu 39:9) O le a ō atu tagata e nonofo i aai o Isaraelu ma susunu ma faia afi i auupega, o tama’i talita, o talipupuni tetelē, faatasi ma ‘aufana, o aū ma tao mata tasi, ma tao uumi; o mea ia o le a latou faamumū ai le afi mo tausaga e fitu.

w89 8/15 14 ¶20

Tatala le Ala e Tau Atu i le Parataiso

²⁰ Ae faapefea meatau o le a totoe a tagata o atunuu? Pe a fua i le umi faafaatusa o le taimi e alu i le faaumatiaina o vaega e susunu gofie o nei meatau, e matuā umi lava. (Esekielu 39:8-10) E foliga mai o le a mafai e i latou e sao mai iā Amaketo ona suia so o se meatau e totoe mai i taua a le lalolagi ina ia avea o ni meafaigaluega aogā.—Isaia 2:2-4.

Faitau Tusi Paia

(Esekielu 40:32-47) Ua faasolosolo ona ia avatu a’u i le lotoā pito i totonu e ala i le itu i sasa’e, ma ua ia fuaina le faitoto’a ma ua tutusa le fua ma isi faitoto’a. ³³ Ua tutusa le fua o ona potu o leoleo, o ona poutū i autafa, ma lona faapaologa ma isi faitoto’a, ua iai i lea mea ma lona faapaologa o faamalama i itu uma. E lima sefulu

kupita le umi, ae e lua sefulu lima kupita le lautele. ³⁴ O lona faapaologa e faasaga i le lotoā pito i fafo, ua iai ata o pama i luga o ona poutū i autafa i lenei itu ma le isi itu. E valu faasitepu e alu a'e ai. ³⁵ Ua ia avatu a'u i le faitoto'a i le itu i mātū, ua ia fuaina ma ua tutusa le fua ma isi faitoto'a, ³⁶ o ona potu o leoleo, o ona poutū i autafa, ma lona faapaologa. Ua iai i lea mea o faamalama i itu uma. E lima sefulu kupita le umi, ae e lua sefulu lima kupita le lautele. ³⁷ Ua faasaga ona poutū i autafa i le lotoā pito i fafo, ua iai ata o pama i luga o ona poutū i autafa i lenei itu ma le isi itu. E valu faasitepu e alu a'e ai. ³⁸ Ua iai fo'i se potu 'ai ma le mea e ulu atu ai i tala ane o poutū i autafa o faitoto'a. O i inā e latou te faamamā ai i le vai taulaga mū. ³⁹ E lua laulau i lenei itu ma laulau e lua i le isi itu i le faapaologa o le faitoto'a, ina ia fasia ai manu mo le taulaga mū ma le taulaga o agasala ma taulaga o le nofosala. ⁴⁰ Pe a alu a'e se isi i le mea e ulu atu ai i le faitoto'a i le itu mātū, ua iai laulau e lua i le tasi itu. Ua iai fo'i laulau e lua i le isi itu e latalata i le faapaologa o le faitoto'a. ⁴¹ E fā laulau i lenei itu ma e fā laulau i le isi itu i tafatafa o le faitoto'a, e valu laulau, o luga o ia laulau e latou te fasi ai manu. ⁴² Na vaneina mai i maa laulau e fā mo le taulaga mū. O le umi e tasi le kupita ma le 'afa, o le lautele e tasi le kupita ma le 'afa, o le maualuga e tasi le kupita. O luga o ia mea e latou te tuu ai meafaigaluega e faaogā i le fasiga o le taulaga mū ma le taulaga. ⁴³ O fata mo le tuuina o mea e tusa ma le fua o le alofilima e tasi, ua mau lelei i pā puipui o loo si'omia ai; ma latou te tuuina le aano o le taulaga i luga o laulau. ⁴⁴ O le potu 'ai a le 'aufaipese ua i fafo o le faitoto'a i totonu, i totonu o le lotoā pito i totonu, lea o loo i tafatafa o le faitoto'a i mātū. E faasasaga pito i luma o ia potu i le itu i saute. E iai le tasi i le itu o le faitoto'a o le itu i sasa'e. E faasaga le pito i luma i le itu i mātū. ⁴⁵ Ua ia faapea mai iā te a'u: "O le potu 'ai lenei o loo faasaga ona luma i le itu i saute, mo le 'ausitaulaga o ē o loo vaavaaia matafaioi o le tausiga o le fale. ⁴⁶ O le potu 'ai lea e faasaga ona luma i le itu i mātū, e mo ositaulaga o ē e vaavaaia matafaioi o le fata faitaulaga. O i latou ia o atalii o Satoka, o ē e mai i atalii o Levi, o loo ō atu iā leova ina ia auauna iā te ia." ⁴⁷ Ua ia fuaina le lotoā pito i totonu. E faatafafā, ma o le umi e selau kupita, ae o le lautele e selau kupita. A o le fata faitaulaga o loo i luma o le fale.